

Baez Daih 'it Naengh Ci' gvaqbya

第一次玩过山车

Coumued, daxboh daxmeh daiq gou bae youzlozcangz guhcaemz. Gizde ceiq yinx vunz haenx couh dwg ci' gvaqbya fwt hwnj fwt roengz heux hwnj heux roengz haenx lo! Yawj diuz gvejdaui ci' gvaqbya sangvidvid de, dingq boux naengh ci' gvaqbya swenjyauyau, gou hix siengj bae naengh, siengj ndeindei daejniemh cungj angqfaengz biufwtftw haenx, hoeng youh miz di lau. Daxboh yawjok gij simsaeh gou, gaem fwngz gou naeuz: "Bae, bohlgw raeuz bae naengh ci' gvaqbya!"

Gou sikhaek angqfwdfwd, cawx fei le, couh diuqliklik buet haeuj aeu camhdaiz ci' gvaqbya bae. Baez hwnj camhdaiz, aen uk gou couh ndonj ok geij aen vwndiz: "Ci neix an mbouj ancienz ha? Youq byonghmbwn dwg mbouj dwg baenqhuhu ha? Hai ndaej vaiq mbouj vaiq ha?" Gou yied siengj yied gaenjecieng, ndawsim lumj miz cibhaj aen doengj-diug caet hwnj bet roengz. Mwhde, bouxguenleix daeuj lo, de youq gwnz hwet gou cug saiancienz gonq, youh youq baihnaj gou caeuj daxboh daep hwnj fwngzgaem ancienz. Yawj gij ancienz cosih neix, aen sim gou venj hwnj haenx dauqdaej cuengq roengzdaej di ndeu lo.

"Gaca gaca", buenx dwk sing loekci yiengj, ci' gvaqbya menhmenh haidoengh lo. Ci bingzonj hai youq gwn "lohbya" ngutngut ngeungeu haenx, gou soeng gaemz heiq ndei, yawjdaej ci' gvaqbya mbouj miz maz ha! Sawqmwh, aen ci daih van it bak betcib doh, cungj rengz yawj mbouj raen ndeu dawz aen ndang gou fwt rag coh mbiengj vangungj haenx bae. "Deng mbouj deng fid okbae ha?" Gou ndawsim

sawqmwh lau raixcaix, "mbouj deng lwi, miz saiancienz ne." Gou mboujduenh gag nai swhegeij.

Gvaq yaep ndeu, goengq "gozbya" sangvid ndeu okyienh baihnaj gou, ci' gvaqbya yaek benz bya lo. Ci hai yied daeuj yied vaiq, sing "gaca gaca" naekgwd lumj cingq naeuz gij dwgengz benz bya de. Ndang gou hix mbouj youz ndaej gou dak coh baihlaeng, sim gou diuqbubbub, aen da gag laep ndaej ndaetndi'ndi. Benz daengz dingjbya, ci sawqmwh dingz roengzdaej, gou swhyienz hai da ok, yawj coh baihlaj, va! Laeg mbouj raen daej, danghnaeuz vunz doek roengzbae haengjdingh ndok noh soiq yungz bw! Gou mbouj gamj caiq yawj, song fwngz gaem ndaet giz fwngzgaem, aenlaeng dep ndaet diegnaengh. Cingq youq mwh de, ci' gvaqbya yaengyaeng caem doxroengz, lumj duz maxndoi duet ek nei bag roengzbae, rumz lumj naq nei daj henz rwz biu gvaq, sim gou diuq daengz congghoz lo.

Ci' gvaqbya ngamq rod daengz din bya youh sikhaek bongj hwnj gvaengzdiet luenz hung ndeu bae, gujgeiq miz cib geij mij sang bw! Dai lo! Dou couh yaek cienq gvaengz hung sam bak roek cib doh lo. Gou gig mbouj onj naemj dwk, miux laj gou roxnyinh aen ndang cungj deng venj hwnjdaej, mwh dungxmbouj ndangsaenz daeuj lo! Gou nyaenx mbouj ndaej swenjgaungau, song da laep ndaet, song fwngz gaem ndaet giz fwngzgaem, hoeng simndum gou di he hix mbouj noix. Gou roeproiq roxnyinh daengz aen ndang gou venj hwnj fuengyiengq mboujduenh bienqvaq, sien dwg cingq venj, gaenlaeng ngeng venj, youh bingz venj, caiq



dauq venj, uk coh laj, lwed daengx ndang cungj nyoengx haeuj aen uk bae, gyauejngunh ukhonz, cungj dauq venj neix caen hojsouh…… "Gaca" sing ndeu, ci' gvaqbya menhmenh dingz roengzdaej lo, gou hai da, daxmeh cingq ndwn youq baihrog baenghlanz riu coh gou ne.

Simndum mboujonj gou dauqdaej dingh roengzdaej lo, gou sup gaemz heiq ndeu, geij saiancienz ok, yaek byaij roengz ci. Mwhde cij fatyienh, ga gou unq ndaej byaij mbouj ndaej roen lo.

(Gyanghsuh Swngj Yangzcouh Si Yuzcaiz Szyen Yozyau haj nienzgaep Giuh Cwnghen)

Daengngoenz Hwnj

日出



Gwnzmbwn yienh' ok saeklamz, lumj saek daihhaui nei. Gwnzmbwn sieng geij naed ndaundeiq, yawj hwnjbae gig lumj fandamj sieng hwnj naedcaw nei.

Sawqmwh, gwnzmbwn hainduj vuenh saek lo. Ndaw gyoengqbya baihdoeng yienh' ok di saekgim he, yienh-ndaej daegbied lwenqda, gyaen ndaej sawj vunz simmaez. Cij raen gij saek de ciemhciemh sanq ok, bu rim daengx aen mbwn. Duj fwj hix deng cungj saek gyaunde neix nyumx lo, bienqndaej hoengzhoengz henjhenj.

Daengngoenz okdaej lo. Daengngoenz ngamq hwnj saek de dwg saekhenj, gig rongh, hoeng mbouj wenjda. De lumj daxmeh unqswnh ndeu, di ndeu cungj mbouj ged, dawz geu ndit daih' it saj youq gwnz daihdeih, hawj doenghgo lajbiengz daiq daeuj raeujrub; de youh lumj dahniq gyaunde launyaenq ndeu, dawz ndangreuz saunde de ndoj youq ndaw fwj ndaw mok mangmi.

Ciemhciemh dwk, daengngoenz bienqbaenz saek-nding. Ndit dak daihdeih, yienghyienh cungj yienhndaej ronghmig gyaunde.

Duz roeg hainduj ciengqgo, rumzhaet ci aen dig de. Ngoenz moq ndeu hainduj lo.

(Cezgyangh Hangzcouh Si Yozginh Siujyoz Houz Fanfanz)

Sing Bouxlawz Hung

谁的嗓门大

Daeuj yawjyawj daeuj ngonznongz, sing hung doxdax hainduj lo.

"Oeb oeb oeb, oeb oeb oeb……" A! Dwg duz goep ndeu, de mbe aen sing de ciengq dwk go: "Sing gou hung! Sing gou hung!"

"Bugu, bugu……" Duz roegvaiqguh-vaiqguh ndeu ndwn youq gwnz ngafaex sangvid, sing de goksad youq geij leix gyaen cungj dingq ndaejnyi. De daekciq ciengq dwk: "Sing gou hung! Sing gou hung!"

"Vung vung, vung vung……" Dwg baenz cien baenz fanh duz rwi youq geh va itmienh ciengqgo itmienh aeu faenjva. Gyoengqde sing hung hemq: "Sing gyoengq-dou hung, sing gyoengqdou hung!"

"Ged ged, ged ged……" Duz bid mbouj fug saw, caemh sing hung ciengq go: "Sing dou hung! Sing dou cij dwg ciq hung

ne!"

"Huhu, huhu……" Daxbuz rumz ci bae ci dauq, lumj cingq angj dwk: "Sing gou cij dwg ciq hung bw!"

"Cacaca, cacaca……" Gofaex buek-mingh ngauz aen ndang de: "Sing gou cij dwg ciq hung!"

"Gunglunglung, gunglunglung……" Duz byaj roq aen gyong hung de, gijmaz duz goep ha, duz rwi ha, roeg-vaiqguhvaiqguh ha, cungj mbouj gamj ok sing lo.

"Sasasa, sasasa……" Fwn dahcej vanq naedcaw hung lumj naedduh nei, cijmiz de gamj caeuj duz byaj beij sing hung.

(Cezgyangh Swngj Lozcingh Si Nanzdangz Cin Cunghsim Siujyoz ngeih nienzgaep Hungj Ciyenj)

